


續皇朝史略 三

三

共

リ 5
9888
2



門 5
8888
卷 2

高田
藏書

續皇朝史

略卷之三

水府史臣青山延于著

男 延光校

後奈良天皇諱知仁後栢原帝之第一子也母豐樂門

院皇胤大永六年四月後栢原帝崩壬午踐祚○五

月乙酉葬後栢原帝於泉涌寺和長○秋九月近江守

護京極高岑及淺井亮政戰于椿坂高岑敗績亮政其

先藤原氏居近江淺井氏世任京極氏至亮政其

主高清闇弱者臣上阪泰貞按本書作景宗今專政國

人歸之及子高岑嗣上阪氏益專亮政起兵滅上阪氏

老

城小谷居焉。至是高岑與六角定賴合謀舉兵討亮政。
請援於朝倉教景。來救擊高岑定賴破之。自
是兵威益彊。盡并江北京極氏。遂徵總見。○冬十月先
是細川高國殺其老臣香西某。至是其兄波多野備前
守及其弟柳本賢治賢治擅長享年起兵於丹波。叛高
國。高國遣細川尹賢討之。不克。足利李。○十二月足利
義明使里見義弘侵鎌倉。掠奪鶴岡神實。北條氏綱遣
兵擊破之。義弘僅以身免。關東兵。○七年春正月己卯
朔。以諒闇停節會。和長。○二月辛亥。柳本賢治侵京師。
壬子。陷山崎。三好勝時亦起兵。應賢治。軍桂川。進陣久

賈

我辛酉。大將軍義晴出屯六條。高國陣妙本寺。遣武田
元光于七條。拒之。不利。賢治等乘勝而進。壬戌。義晴及
高國走近江。○三月。細川晴元奉義維自阿波至堺。三
好元長奉以為主。晴元澄元之子。元長之孫也。○
秋九月。元長賢治攻畠山植長於高屋。植長尚順之子
也。○冬十月。越前守護朝倉教景近江守護六角定賴
京極高岑等將兵三萬餘。納義晴於京師。教景與畠山
義宣戰破之。斬首百餘級。○享祿元年春正月。朝倉教
景與三好元長講和。諸將罷兵。各歸其國。三好政長柳
本賢治素不欲和。乃譖元長于晴元。由是和議遂格。義

晴復奔近江高國奔伊勢李世紀二○冬十月周防

長門豐前安藝石見山城守護大内義興卒子義隆嗣

安西軍策六國守護據大内系書○二年春正月柳本

賢治陷伊丹城李世紀○三年夏五月播磨人別所重直

與依藤某爭封疆構兵重直乞援於柳本賢治公將

兵與重直合勢圍之○夏六月浦上村宗遣刺客殺賢

治細川高國乞兵北畠晴具晴具不許之越前依朝倉

教景公不禮去至播磨依村宗求援村宗許諾○秋

八月村宗將兵至摂津攻藥師寺國盛於富松城國盛

棄城遁高國進據富松城國盛保大物城高國急攻之

國盛出降軍勢大振李世紀○大内義隆遣其將筑紫

尚門朝日賴實攻肥前少貳久尚令龍造寺胤久拒之

胤久部將鍋島清久橫衝其陣斬尚門賴實九州記○蔡

河岡崎城主松平清康攻熊谷直利於宇理城拔之又

取屋島城先是下山中吉田數城至是兵勢大振甲斐

守護武田信虎遣使修好武德大成清康親忠之孫信忠之

子也德川系信虎信重之玄孫也武田系○四年春二月高

國進逼堺晴元兵擊破之高國退陣天王寺村宗陳福

島○三月細川之持起兵阿波來援義維○夏五月之

持攻天王寺杰松晴政一作政村今起兵應之初晴政

李

父為村宗所害，至是欲復父讐，出屯神咒寺，聲言救高國。於是播磨兵皆叛村宗，屬晴政。村宗寡弱，不能支。六月，高國及晴元戰于天王寺，敗績。村宗戰死，高國走。居崎晴元兵執而殺之。李世記 ○彗星見東方。補 ○秋七月，從四位下左馬頭足利政氏卒于古河子高基嗣。○九月上杉憲政代憲廣為管領。足利判鑑 ○天文元年春正月，初木澤長政仕畠山義宣，既而降晴元，與其寵臣三好政長、譜三好元長、晴元由是與元長有隙。至是元長通謀義宣，據堺南莊、細川之持說晴元和解之。晴元不聽之，持憤邑歸阿波。李世記 ○三月，式部卿邦高親王薨。

森

元

補 ○夏五月，義宣圍長政於飯焚城。長政與政長謀，白晴死，求援本願寺。光教許之。六月，光教招募其徒，擊破義宣，亡匿佛寺。長政索捕殺之，遂圍元長于南莊。元長與義維走顯本寺。長政復圍之，遂殺元長。執義維送於河內。○秋八月，長政與本願寺僧徒爭鬪，僧徒大怒，益發其徒攻晴元。長政擊破之。於是近畿僧兵所在並起，共攻晴元。乞救六角定賴，將兵攻本願寺。又說法華僧徒興兵京師。法華二十一寺率檀越兵圍本願寺，縱火焚之。光教敗走。李世記 ○彗星見東方。補 ○冬十月，奈良一向宗復起，應光教。○二年春正

願

月攝津一向宗復起攻晴元大破之晴元奔淡路又攻
伊丹城木澤長政募法華兵援之內外交擊大破之○
夏四月晴元復還堺據池田城光教走保大坂城五月
長政攻大坂城堅不拔長政引去○秋九月僧兵拔越
水城○豐後守護大友義鑑入朝因大納言藤原公條
奏請贈故大將軍源義澄官位許之丙辰詔贈太政大
臣從一位季世○冬十月壬午有流星墜西南聲如雷
補任李是歲大內義隆遣陶道麟攻小貳冬尚子勢福
寺城分兵向佐嘉鍋島清久擊破之義隆率大兵攻冬
尚九州○十二月以皇子方仁為親王邦輔親王為式
尚九州

部卿補任邦輔貞敦之子也紹運○三年春三月大將軍
義晴至坂本時畿內大亂不得入京長亨年○夏
四月少貳冬尚與大內義隆講和義隆使陶道麟留鎮
肥前遂凱旋九州時九州擾亂互相侵奪朝廷詔義隆
討平九州義隆發兵征之秋月原田菊池等諸族望風
皆降室所朝廷賞義隆功叙從四位下○秋七月前關
白尚經薨○八月京師大風水補是歲河內守護代游
佐長教逐其主畠山植長立其弟石垣長繼季世○四
年春正月己酉所生准三宮藤原氏薨庚戌上藤原氏
號曰豐樂門院○秋八月前左大臣藤原實香為太政

大臣補舊制拜大臣者行大饗禮延喜式謂之大臣節會

長亨已後廢而不行焉補○冬十月從四位下左兵衛

佐足利高基卒于古河子晴氏嗣鑑別○岡崎城主松平

清康將兵略尾張進屯赤山暴卒于軍清康度量絕人

有勇略及卒人皆痛惜焉武德大成子廣忠嗣并祖父信定

因其幼而奪岡崎安部定吉奉廣忠奔伊勢德川系○五

年春正月以諒闇停節會○二月壬子行即位禮補時

國用匱乏不能行禮大内義隆奉貢以助經費於是始

得行禮龍造寺記○夏五月義隆入朝賞功為大宰大貳補

入朝據無防長豐筑守護專領山陽及鎮西之事時系居

子晴久東中國兵權當時稱山陽謂其部將曰義隆奉

勅專中國鎮西兵權然我終不能為之麾下也乃率兵

三萬餘次青野鼻義隆聞之怒曰我奉勅專征伐而晴

久方命與兵非叛而何宜速發兵討之乃使陶晴賢等

逆擊自將兵一萬繼發晴久要疾引軍而還義隆亦旋

師室町○秋七月京師法華僧兵乘勝專恣縱火焚諸

寺遂率兵攻延曆寺攻延曆寺延曆寺僧徒起兵擊破

之焚二十一寺斬獲千餘人京師坊里率皆罹災時三

宅國村與本願寺光教謀以細川晴國為高國嗣保大

坂城木澤長政攻破之○八月晴國走堺津為追兵所

嬰

殺國村遂降晴元○河內高屋城主畠山長繼為其臣
所弒游佐長教迎故主植長立之季世○冬閏十月關
白尹房罷○十一月前左大臣藤原植家代為關白太
政大臣實香罷補任按實香本書不係月今姑書于此○十二月武田晴
信攻信濃海野口城拔之晴信之虎之子也小名勝子
代沉勇有謀略年十六加首服任信濃守本書作大膳大夫然據系
畠初任信濃守後為大膳大夫故今從之從信虎攻海野口平賀成賴率兵
來援攻之踰月城堅不可拔會天大雪信虎遂解圍而
去晴信請殿強而後許之晴信兵裁三百黎明辨嚴徑
嚴敵城敵兵以為信虎解去散遣士卒守兵甚少倉黃

潰走晴信掩擊殲之遂斬成賴置守兵而歸信虎不憚
曰宜守城報捷不可棄城而去也信虎為人疆暴愛次
子信繁頗有易嫡之志晴信知之深自韜晦人以為不
慧至是始服其智勇甲陽軍鑑是歲駿河守讓今川氏輝卒
無子弟為憎至是還俗罷職更名義元季世娶武田信
虎女生子氏真甲陽軍鑑先是九州沿海之民數侵明邊境
浙江尤甚明主使蔣海胡節志等來豐後請嚴加禁止
至是蔣海移文對馬復請禁賊民續善隣圖實記○六年春正
月彗星見北方補○夏四月修理大夫上杉朝興卒于
河越守朝定嗣北條○五月今川義元納松平廣忠子

岡崎先是安倍定吉奉廣忠依義元請納焉義元許諾
至是參河舊臣奉廣忠還岡崎定告從廣忠間關派離
竭力保護竟全社稷云武德大成○秋七月北條氏綱攻上
杉朝定於河越大破之遂取其城朝定走保松山城北條
○冬十月前內大臣藤原實隆薨尊卑彌道遙院實
隆練達典故又善和歌所著有雪玉集道遙院裝束抄
本○十二月關白植家任太政大臣補○七年春三月
武田晴信逐其父信虎自立先是信虎將廢晴信使人
謂之曰汝宜往駿河講習技藝其意欲逐之立信繁於
是信虎如駿河使信繁守國幽晴信於甘利備前家晴

信密與板垣信形飯富兵部謀使人致意義元冬冬以
謂信虎悍而難制不如推立晴信彼必服屬於我矣乃
許諾至是晴信遂據甲府拒信虎而不納甲陽軍鑑
外史氏曰應永以後真可謂亂世哉臣弑君者有之
子弑父者有之兄弟相鬪尋于戈者有之而天子不
能誅將府不能討是亂臣賊子所以繼踵而起也武
田晴信之距信虎甚於衛鞅其滅絕倫理罪亦大矣
假使義元諭晴信以大義諫信虎待之如初庶可以
全父子之恩也而義元計不出此反助其逆徒知黨
之為利而不知其國為之所并甚哉權謀詐術之

并

為害也

○秋七月武田晴信及評訪賴茂小笠原長時戰于並

崎大破之斬級二千七百餘軍鑑○冬十月北條氏綱

及足利義明戰于鴻臺破斬之北條五代記義明子賴

純奔安房足利判鑑○八年冬十一月前權大納言藤原房

家薨於土佐補應仁之亂與父奔土佐外記至是薨年

六十五補○武田晴信荒耽酒色不恤政事又好文雅

常延僧徒賦詩老臣患之不得見板垣信形稱疾不出

潛招詩僧學為詩性敏捷不數月能之一月出陪詩進

晴信怪之信形求題賦詩辨理可觀晴信大驚授以新

題立成晴信大悅於是信形諫曰詩賦固可喜然廢事

妨務夫為君者要在於治國撫士往者京兆君以亡道

遂致廢黜今君驕恣抑又甚焉今而弗悛必蹈覆轍臣

直言犯顏甘就顯戮晴信納之軍鑑

外史氏曰若板垣信形者可謂善諫矣易曰納約自

牖信形各焉

是歲美濃守護土岐賴藝為其臣齋藤利政所逐雜話

利政京師人家貧賣油以為業後仕土岐老臣長井氏

既而殺之奪其邑至是逐國主賴藝盡其地信長家譜雍

髮稱道三總見○九年夏五月京師大水○秋八月大

記

風畿内兵○九月毛利元就屬屋子晴久既而與晴久
有隙大内義隆使陶道麒麟說之元就遂屬義隆發兵取
晴久管内數城至是晴久起兵攻元就嬰城固守
○冬十二月義隆遣陶晴賢帥師救之毛利記安是歲
天下大疫畿内兵○十年春正月以掘井官貞齊為親
王天台座主覺亂法親王薨補○毛利元就與屋子晴
久戰大破之毛利記安○秋七月伊豆相摸守護北條
氏綱卒年五十五子氏康嗣北條○冬十二月兵部大
輔大内義隆叙從三位補○十年夏五月大内義隆攻
安藝守護武田信實於銀山城破斬之武田氏世據銀

山自持世至義隆數世相爭至是終滅之又攻山名理
興於備後取神鳥城於是備前備中悉皆降附義隆○
十一年春二月關白植家薨○三月左大臣藤原忠冬
為關白補○河内守護畠山植長使游佐長教擊木澤
長政破斬之季世記○大將軍義晴還自近江畿内兵
○秋八月今川義元及織田信秀戰于小豆坂敗績信
家是歲松平廣忠生子家康是為東照公高祖長親見
而大喜曰此兒容貌非常必富貴顯也武德○十二年
春正月丙子朔日有食之補○二月大内義隆與屋子
晴久戰于出雲義隆敗還初義隆養藤原房家子為子

當

島

任周防介年十一從義隆在軍及敗乘舟而逃舟覆弱
 死義隆記安西軍策○秋八月波爾杜瓦爾人百餘人乘一大
 船來多褻鳥其人深目高鼻言語不通明人一人從而
 來以杖畫沙諭以西蠻求互市之意所齎有鳥銃島主
 時堯姓購得之使人學之自是國人始傳鳥銃按甲陽
條記並云永正七年南船長二人一日牟良村舍按武
蠻始貢鳥銃未知何據南浦集波爾杜瓦爾按
古即是也一曰喜利志多孟太武備志我國稱天主教
日樂利志丹即喜利志多也又按寄園寄所寄作契利
斯當如是我聞作契利斯替蓋稱奉耶穌之教者曰樂
利文天教之入我國自是始也其後大友義鎮深崇奉
 之自是其法浸盛大友記九○細川高國黨玉井某奉

細川尹賢子氏綱為主據堺南莊松浦肥前守擊走之
 ○冬十月細川晴元遣兵擊玉井破之氏綱出走季世
 ○上杉憲政大舉圍北條綱成于河越城憲政遣使古
 河請出師曰師幸得捷納將軍於鎌倉晴氏許諾晴氏
 娶北條氏綱女以故氏康亦遣使說晴氏曰聞明府出
 師伐我不知其罪且隣國相伐明府何與焉願明府
 勿救之晴氏從之憲政又遣難波田彈正說之曰將軍
 從氏康之言議止出師臣竊以為過何也瑞泉君已來
 世典關東兵權長春君已後鎌倉失守喪亂至今管領
 輔將軍欲復舊業而將軍以姻戚之故重伐氏康夫氏

康自其父祖吞噬數州其意欲滅管領并關東此將軍之讐敵也將軍宜與管領戮力以翦滅之取威定霸於是乎在矣晴氏然之乃率兵會憲政為長圍絕餉道城中大困會氏康來援以為敵衆我寡不如以計撓之乃遣使請獻城邑晴氏不許尋又請降又不許由是憲政意侮氏康不復設備關東兵亂記○十三年春二月武田晴信伐諏訪賴茂數破之賴茂納款三月賴茂來甲府晴信使人誘殺之其黨復叛甲陽軍鑑○夏四月北條氏康夜襲上杉憲政營大破之難波田彈正戰死憲政脫走綱成率城中兵襲晴氏北條潰走自是關東諸將咸屬氏

康

關東兵亂記按判鑑北條記並係十五年今從本書

○秋七月京師大水

補任○

大將軍義晴與細川晴元講和畿內兵亂記○八月前關白

尚通薨

補任

○十四年春二月武田晴信使弟信繁平誅

訪賴茂餘黨長坂左衛門新其將蓮甫初長坂有罪被逐至是賞之後雜髮稱長閑賴茂有女美色晴信聞欲納之板垣信形欲富兵部皆以為不可獨山本晴幸以為納之誅訪將士必當來歸此懷敵之策也晴信遂納焉有寵生子勝賴晴幸參河人善兵策為人眇貌極寢周遊天下時人莫識晴信見而音之引參謀議日見親近甲陽軍鑑○夏五月富山植長卒無嗣游佐長教立植

破 奇

長弟政國為嗣季世○六月關白忠冬罷以左大臣藤

原房通關白補○秋八月庚寅黃雲四塞水皆黃人

以為異季世○十五年夏四月京師大

雨雹亂○前關白忠冬薨補○秋八月畠山政國

納細川氏綱于高屋城圖伐細川晴元補遣兵攻之

政國逆戰破之晴元發阿波讚岐沿路兵攻之○九月

攝津豪族三宅池田等皆應政國伊丹親興獨固守拒

之政國與晴元數接戰互有勝負季世○初上杉憲政

為北條氏康所破國勢日蹙至是其寵臣菅野大膳上

原兵庫勸憲政討武田晴信冬十月戰于笛吹嶺大敗

關東兵○征夷大將軍義晴罷子義輝為征夷大將軍

亂記○征夷大將軍義晴罷子義輝為征夷大將軍

補時年十一義輝初名義藤後更今名與義晴居東山

蔥照寺○十六年春三月義晴惡細川晴元之專恣與

畠山政國謀除之率兵九百餘出屯北白河城夏四月

晴元與三好範長等率四國兵三萬餘陣東山既而撰

津兵起乃引還○秋七月晴元大舉進入京師晴元娶

六角定賴女以故定賴亦黨晴元將兵一萬來攻義晴

義輝奔坂本畠山政國及游佐長教入援京師路遇敵

軍敗走義晴復與晴元講和○冬十月細川氏綱及其

子國慶率兵進陣西京定賴將多賀豐島逆擊破之季世

記是歲武田晴信及村上義清戰于上田原大破之義
清奔越後甲陽軍鑑○十七年春細川氏綱與細川晴元議
和○夏四月晴元還堺四國兵皆罷歸○六月義晴義
輝復歸京師○初三好範長範長薙髮怨其族政長政長
薙髮稱諸殺其父欲殺之政長有寵於晴元以故尤豫
未發○秋八月政長兵在池田城範長悉逐之範長弟
十川一存聞之分遣部將於各所扼要害政長子政勝
據榎並城拒守既而一存亦歸範長晴元遣兵援榎並
範長大怒遂叛晴元送款氏綱於是攝津河內丹波播
磨等諸國皆應之聲勢大震伊丹親興獨據城拒守李世

尤

記○冬十二月關白房通罷左大臣藤原晴良代之是
歲大内義隆進從二位補義隆既領七國守護國富兵
彊位踰父祖意稍驕恣好和歌茶湯不恤國事紀綱日
紊時皇室衰微公卿避亂咸來山口義隆遂欲遷帝都
于其國中國治新制坊里開三條九陌殫極壯麗室町
記識者謂義隆捨干戈慕衣冠大内氏之業衰矣義隆
○十八年春正月三好範長縱火焚伊丹三月範長游
佐長教等進攻中島破之政長退保榎並城範長乘勝
攻之○夏四月細川晴元率兵南下與政長合勢進屯
武庫縱火焚足崎○政長出陣江口時晴元守三宅城

範長使一存陣別府以絕餉道由是敵兵乏糧癸丑一
存攻破三宅晴元奔京師又攻江口拔之遂斬政長時
六角義賢陣九條進藤貞治陣山崎將援晴元聞敗引
還丙辰義晴義輝復奔坂本李世○初村上義清之奔
越後也依長尾景虎請假其兵復舊土景虎許諾時為
景死景虎嗣年僅十八為人英毅有勇略○冬十月景
虎出屯信濃及武田晴信戰于海野自是申越戰爭殆
無寧歲甲陽軍鑑是歲織田信秀卒子信長嗣豁達好任俠
不修行檢其傳平手政秀數諫之不聽按信長譜作清
成及尾張政乃為書切諫曰君若納臣言臣雖死不朽
秀寺舊記

見

矣遂自殺信長覽書感泣自是深自勉勵信長譜後創
寺清洲曰政秀寺政秀寺記初信長娶齋藤利政女利政欲
觀其為人請相見焉服其雄武謂人曰吾子孫必為之
奴也信長譜○初岡崎城主松平廣忠質東照公於駿
河道為織田信秀所奪至是廣忠卒群臣議納款尾州
以迎東照公會今州義元遣兵攻織田信廣破之城陷
有日使人報信長曰若還岡崎質子吾不殺信廣不則
殺之矣信長從之東照公由是得還時方八歲武德大成○
十九年春二月豐後國主大友義鑑為其臣津久見美
作所弑子義鎮嗣義鎮少好畋獵性虐暴數手刃人嘗

作大刀長四尺餘其傳入田親真諫曰此刀雖大所斃
不過數人夫人君鋒刃之利有銘於斯者仁慈以撫民
德惠以勸象上下輯睦闔國悅服以此征國何國不服
以此陷陣何陣不摧此之謂人君之鋒若夫逞意一劍
徒事斬伐此匹夫之勇非主將之任也義鎮大怒遂誅
之其後驕暴滋甚老臣曰木鑑速吉岡宗歡等憂之條
其過失諫之義鎮悔悟自是兇暴頗止大友記○足利義
晴城東山將徙居焉既而憂憤得疾會夢吟義政萱草
歌又命結城國家以土木之事覺而告侍臣皆曰吉也
然萱草義政惡亂所作也國家既死數年聞者以為不

祥義晴欲入城討賊而疾益篤六角定賴諫止之不聽

三月進至穴太伊丹親興叛降于範長以故捨留萬松院殿

閣維記穴太記藤原前久悼義晴葬疾革召上野信孝伊勢貞孝等遺命

以平賊納義輝于京師夏五月義晴薨年四十彌萬松

院萬松院殿贈從一位左大臣補晴元白義輝曰穴

太迫敵地宜移軍坂本不出五旬納將軍於京師矣義

輝曰先公使諸將守城曰吾已與定賴約出師勦敵若

定賴背約我當親討之言猶在耳且今日之計可進而

不可退矣士卒聞之踊躍然晴元等皆不欲行義輝遂

寶退屯寶泉寺萬松院殿○秋八月大水和漢合運○九月

天台座主尊鎮法親王薨○冬十月竟尊法親王為天台座主○十一月三好範長入京師攻焚東山補○二十年二月三好範長使其臣松長久秀攻近江進陣志賀六角義賢濟湖水逆擊久秀敗走時伊勢貞教在京師與範長判決京畿之政季世範長課京師之民出地子錢足利家譜○三月貞教招範長飲讌進士賢光挺刀刺範長左右驚起救之遂殺賢光範長創小不死季世○亂○秋七月細川晴元進陣相國寺範長攻焚之晴元敗走○八月陶晴賢弑其主大内義隆周防大亂初晴賢與相良武任爭權不相能武任譖晴賢義隆信之遂

疏焉晴賢怨之還其邑稱疾不出密為叛計義隆不以

為意會賓客日夜宴樂甲申晴賢率兵往叡山口義隆

狼狽出走赴太寧寺晴賢追圍之義隆竟自殺安西軍

記稱疾不出時關白尹房前左大臣藤原公賴中納言

藤原親世左近衛中將藤原良豐來寓山口為亂兵所

害補任季世晴賢立義隆甥大友義鑑子義長為嗣自專

威權薙髮稱全姜季世是歲關東管領上杉憲政

奔越後判其臣目方新助九里采女捕憲政子龍者降

北條氏康氏康殺之并目方九里等關東兵亂初憲政

藉累世之豐富窮極奢侈荒耽酒色菅野大膳上原兵

若

庫以詢佞見寵恃勢專權恣為威福以是將士離心竟

至亡國關東兵亂記○武田晴信薙髮稱信玄甲陽軍鑑○

二十一年春正月近江守護六角定賴卒子義賢嗣佐

本系○細川晴元與細川氏綱和親大將軍義輝復歸

京師晴元以其子信良為質薙髮稱一清與其徒出奔

季世二月氏綱及弟藤賢至京見義輝義輝以氏綱為

右京大夫藤賢右馬頭季世記將軍家譜範長在越水城松永

久秀代其主秉權季世威震京師將軍家譜○三月長尾景

虎及武田晴信戰于時田甲陽軍鑑○夏四月雨雹畿內兵

○五月三好範長率兵赴丹波攻波田野晴通於屋上

城範長部將芥川池田等與晴通合謀皆擊範長々々

兵有知其謀者告範長々々退還有馬由是和議復敗

範長慮信良為敵所奪取置越水季世○秋八月恒直

親王薨補任○冬十月北條氏康遣兵古河執足利晴氏

及子義氏幽之波多野○十二月長尾景虎薙髮稱謙

信上杉憲政既奔越後以上野與景虎授以其姓及管

領職於是景虎改氏上杉甲陽軍鑑○二十二年春五月關

白晴良罷左大臣藤原兼冬代為關白補任○三月細川

晴元餘黨作亂松永久秀討平之季世○夏五月武田

晴信滅小笠原長時并其地甲陽軍鑑○六月阿波守護細

正

川持隆為其臣三好之康所弑分流記○秋七月義輝
徵還細川晴元三好範長畠山高致聞之率兵二萬入
寇京師義輝及晴元奔近江季世記○以彥胤法親王為
天台座主補○八月範長下芥川城徙居焉迎細川信
良於越水季世記○二十三年春二月關白兼冬薨三月
左大臣藤原晴嗣為關白補○夏四月松永久秀攻三
好政勝於丹波走之晴元將人見香西等據明石城與
赤松晴久相持○弘治元年春正月三好範長率兵援
晴久進陣大山寺香西乞降範長遂引兵而還季世記○
秋九月毛利元就擊陶晴賢於嚴島破斬之初元就築

岩嚴島欲以計誘致晴賢謂人曰晴賢若拔嚴島若我
軍必無利矣晴賢聞而大喜乃將兵二萬餘至嚴島元
就使其子降元之春等進陣海濱壬戌晦夜大風雨元
就將舟師向嚴島隆元之春亦來會議使舟子回舟乃
以元春為先鋒直嚴不備晴賢兵崩潰赴水溺死者無
算晴賢走至海濱無舟不能濟為追兵所逼遂自殺西
軍○冬十月先是北條氏康徙足利義氏於葛西谷至
是任左馬頭後徙關宿判鑑關東兵亂記是歲九州賊民侵朝
鮮拔達梁殺守兵和漢○二年春正月彗星出東方○
二月地大震補○冬十月前關白房通薨補○三年春

三月毛利元就將兵至周防敵兵望風降附進攻山口
大内義長軍敗自殺於是周防長門備後安藝皆屬元
就兵威大震軍安西○夏五月足利晴氏卒于關宿別是
夏大旱○秋七月地大震八月大風水補損津海溢漂
沒人家記李世○九月帝崩壽六十三謚後奈良帝紹運
在位三十一年改元者三曰享祿天文弘治和漢方仁
親王立是為正親町天皇



